



**ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ**  
**NATIONAL SUPREME COUNCIL OF THE ARMENIANS OF WESTERN ARMENIA**  
**НАЦИОНАЛЬНЫЙ ВЕРХОВНЫЙ СОВЕТ АРМЯН ЗАПАДНОЙ АРМЕНИИ**  
**المجلس الوطني الأعلى لأرمن أرمينيا الغربية**

**Համախմբման ԿՈՉ**  
**Համայն Հայութեան**

Հայկական իւրաքանչիւր հիմնախնդրի, եւ յատկապէս հողային հարցերու կապակցութեամբ, վերջնական որոշումը կը պատկանի ողջ հայ ազգին:

Տարիներ շարունակ առաջ բերինք ազգային միասնական ռազմավարական խորհուրդի այժմէականութեան եւ հրամայականի հարցը՝ թէ Հայաստանի Հանրապետութեան եւ թէ Արցախի Հանրապետութեան պատասխանատու խաւերուն դիմաց, եւ մեր բոլոր առաջարկները մնացին անպատասխան:

Սարդարապատի հերոսական ճակատամարտին դիմաց մեր ազգը քաղեց Բաթումիի նսեմացուցիչ պայմանագիրը, իսկ Շուշիի հերոսական ճակատամարտը մեր ազգին բերաւ Հայաստան-Ռուսաստան-Ատրպէյջանի մեր ազգը նսեմացնող մէկ այլ պայմանագիր:

Յուլիոս կեսարն իսկ գիտէր, որ համախմբուած հայերուն յաղթելը հնարաւոր չէ, այդ պատճառով իսկ հայ ազգի թշնամիները օրնիբուն աշխատեցան մեր ազգի պարակտման համար, երբ մենք զբաղուած էինք իրար հոշոտելով: Արդիօ՞ք մեղաւորը թշնամին է:

Ներկայ իրավիճակը անխուսափելիօրէն շատ ծանր հետեւեանքներ պիտի թողու նաեւ Արեւմտեան Հայաստանի իրաւունքներու պաշտպանութեան գործընթացին վրայ:

Արեւմտահայութիւնը, զոր ոմանք անտեսելով անոր իսկական ինքնութիւնը՝ «սփիւռք» կը սիրեն կոչել, իր ամբողջ ներուժով Արցախի պաշտպանութեան գործընթացին էական մասնակցութիւն ցուցաբերեց հնարաւոր եւ ոչ հնարաւոր բոլոր միջոցներով՝ մարտական, նիւթական, քարոզչական եւ քաղաքադիւանագիտական մակարդակներով: Բայց ճակատագրական որոշումներու պահին՝ ոչ ոք խորհրդակցեցաւ Արեւմտահայութեան հետ:

Հայութեան այս վիճակը այլեւս անընդունելի է:

ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի հիմնադիր մարմինը կը յիշեցնէ բոլոր առնչուող կողմերուն, որ Արցախի կամ այլ համահայկական նշանակութիւն ունեցող որեւէ հարցի վերաբերող վերջնական որոշումները անվաւեր կը համարուին՝ որքան ատեն որ անոնք հաւաքական համաձայնութեան չեն արժանանար:

Հետեւաբար ԱՐԵԻՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ը կը մերժէ Արցախի տարածքներուն վերաբերեալ Հայաստանի, Ռուսաստանի եւ Ատրպէյջանի պատասխանատուներուն միջեւ 9 Նոյեմբեր 2020-ին ստորագրուած միասնական յայտարարութեան բովանդակութիւնը եւ անկէ յառաջացած հետեւանքները:

Ան նաեւ կոչ կ'ուղղէ Արցախին, որ անյապաղ ինքզինք հռչակէ որպէս 19 Յունուար 1920-ին միջազգային ճանաչում ստացած Հայաստան Պետութեան ազատ եւ անբաժանելի մասը, որուն սահմանները թիրաքիոյ հետ հաստատուած են ԱՄՆ-ի նախագահ Ուիլսոնի միջազգային անբեկանելի եւ պարտադիր իրաւարար վճիռով, ու անոր արեւելեան սահմաններու իրաւական միակ հիմքը կը հանդիսանայ Սեւրի խաղաղութեան դաշնագիրի 92-րդ յօդուածը:

Իսկ միւս կողմէ, ԱՐԵԻՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի հիմնադիր մարմինը համախմբման կոչով կը դիմէ աշխարհասփիւռ տարագիր հայութեան աջակցիլ՝ յառաջիկային անոր ձերնարկելիք քաղաքական քայլերուն:

**ԱՐԵԻՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի  
հիմնադիր եւ նախաձեռնող մարմին**

10 Նոյեմբեր 2020